




**CONCELLO
DE
MEAÑO**
CP 36968
(PONTEVEDRA)



ORDENANZA REGULADORA DA TAXA POR INSTALACION DE PORTADAS, ESCAPARATES E VITRINAS

Artigo 1º. Natureza e fundamento.-

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases de réxime local, e os artigos 20 a 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da **Taxa por instalación de portadas, escaparates e vitrinas.**

Artigo 2º. Feito imponible.-

Constitúe o feito imponible da Taxa a utilización privativa ou aproveitamento especial do dominio público municipal polos conceptos que se sinalan no título da taxa.

Artigo 3º. Suxeitos pasivos.-

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algúns dos supostos citados no feito imponible.

Artigo 4º. Responsables.-

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º. Cota tributaria.-

A cota desta taxa será a que figura no anexo desta ordenanza.


Artigo 6º. Beneficios fiscais.-

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7º. Percepción.-



**CONCELLO
DE
MEAÑO**
CP 36968
(PONTEVEDRA)



Percíbese a taxa e nace a obriga de contribuír:

– Nos servizos de retribución puntual, no momento de presenta-la solicitude de concesión ou autorización.

– Nos servizos de retribución periódica, percibirase a taxa o día primeiro de cada ano natural.

Artigo 8º. Liquidación.–

– Cando se trate de servizos puntuais, liquidarase esixirse a taxa en calidade de depósito previo, en todo caso antes de iniciarse o trámite do expediente de concesión ou autorización do aproveitamento solicitado.

– Cando se trate de servizos de retribución periódica, liquidarase e esixirse a taxa nos períodos que se sinalen na tarifa da taxa ou na liquidación única anual.

– Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

Artigo 9º. Ingreso.–

O pagamento desta taxa realizarse:

– Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.

– Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

Artigo 10º. Infraccións e sancións.–

Nesta materia estarase ó disposto na Lei xeral tributaria e normativa de desenvolvemento.


Artigo 11º. Normas de xestión.–

– As persoas ou entidades interesadas na concesión ou autorización para realiza-los



**CONCELLO
DE
MEAÑO**

CP 36968
(PONTEVEDRA)



aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.

- No caso de denegarse as autorizacións, os interesados poderán solicita-la devolución da taxa ingresada en calidade de depósito previo.

- Unha vez autorizada ou concedida a licencia de aproveitamento entenderase prorrogada mentres non presente a declaración de baixa o interesado.

- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ó da presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICION FINAL.-

A presente ordenanza fiscal, cunha redacción definitiva aprobada polo Pleno da Corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 1999.



**CONCELLO
DE
MEAÑO**
CP 36968
(PONTEVEDRA)

ANEXO

Primeiro. Tarifa.

**PARA APLICACION DA ORDENANZA DA TAXA POR INSTALACION DE
PORTADAS, ESCAPARATES E VITRINAS**

<u>Concepto</u>	<u>Ptas.</u>
Por instalación de portadas, escaparates e vitrinas por m/2 ano	10

Segundo. Outras normas especiais de xestión.

Terceiro. Data de aprobación.

DILIXENCIA:

Póñoa eu, Secretaria-Interventora do Ilmo. Concello de Meaño, para facer constar que a imposición e aprobación da presente Ordenanza Fiscal Reguladora da taxa por instalación de portadas, escaparates e vitrinas, foi aprobada provisionalmente polo Pleno da Corporación en sesión extraordinaria de data 28 de setembro de 1998.

Meaño, 29 de setembro de 1998